

Bosanskohercegovačkim liderima rečeno da prestanu sa “odmjeravanjem snaga”



Bosanskohercegovački lideri moraju prestati sa “odmjeravanjem snaga” što sprječava formiranje državnih vlasti i vlasti u Federaciji, te usvojiti mnogo “zreliji i odlučniji” pristup kako bi Bosnu i Hercegovinu vratili na put ka integracijama u Europu, kazali su visokopozicionirani zvaničnici EU danas u Sarajevu.

Visoki predstavnik i posebni predstavnik EU Valentin Inzko, članica Parlamenta EU Doris Pack, zamjenik šefa Misiije Mađarske Lajos Kohari, u ime Predsjedništva EU, i Boris Iarochevitch, otpremnik poslova Izaslanstva EU, pozvali su sve lidere stranaka da postupe konstruktivno kao odgovor na ruku pomoći koju je Europska unija pružila Bosni i Hercegovini.

“Potpuni zastoj i nepopustljivost ozbiljno pogađaju zemlju još od početka izborne kampanje prošle godine”, kazao je visoki predstavnik i posebni predstavnik EU. “Bosanskohercegovački političari se moraju usredotočiti na formiranje vlasti bez ikakvog odlaganja.” Doris Pack je dodala da nikad nije postojala veća potreba za učinkovitim vlastima u Bosni i Hercegovini. “Ponovno pokretanje procesa integracije u EU neće samo učiniti izglednijim perspektive članstva, već će i ostvariti ekonomske reforme koje su tako jako potrebne da bi bio poništen trend ekonomskog pada u zadnjih nekoliko godina”, rekla je gospođa Pack.

Boris Iarochevitch je istaknuo da Bosna i Hercegovina ne

ostvaruje napredak koji je neophodan ako namjerava podnijeti kredibilan zahtjev za članstvo u EU. "Bosna i Hercegovina može očekivati od EU da bude požrtvovan i pouzdan partner, no bosanskohercegovački političari moraju odmah realizirati potrebne reforme kako bi vratili zemlju na put ka Europi – želimo vidjeti da je europski program srž svake koalicijske vlasti i aktivnosti."

Vijećnik Kohari je inzistirao na tome da "kao i sve druge zemlje Zapadnog Balkana i Bosna i Hercegovina ima jasnu perspektivu u EU – no, to se neće ostvariti ukoliko politički lideri ne počnu poduzimati pozitivne korake."